


中國佛寺志叢刊

趙樣初





清·張大昌輯

龍興祥符戒壇寺志

廣陵書社

龙兴祥符戒坛寺志

龙兴祥符戒坛寺志，亦称《龙兴寺志》。十二卷。清仁和（今浙江余杭）张大昌纂。光绪十九年（1893）杭州嘉惠堂丁氏刊本，收入《武林掌故丛编》第十五集。前有俞樾序。

龙兴、祥符、戒坛三寺旧本为一寺，位于浙江杭州钱塘门内武林山侧。始创于南朝梁之初，名发心寺，后改名众善寺，复改名中兴寺。唐神龙三年（705）始改名龙兴寺。五代吴越国钱俶在此立戒坛院，因称戒坛寺。宋祥符（1008—1016）初改名大中祥符寺。

本志卷一「建置」载三寺历代兴废沿革，卷二「寺宇」载寺中殿、堂、院、阁诸建筑，卷三「古迹」载寺中古塔及诸胜景，卷四、卷五「金石」载历朝碑铭经幢，卷六载「僧伽著述」，卷七「僧伽表」列自梁至清寺僧名录，卷八、卷九「僧伽列传」载寺中历代名僧传略，卷十、卷十一「杂述」载历代经史典籍有关三寺及寺僧的记述，卷十二「题咏」载历代文人有关诗文游记。

龍興祥符
戒壇寺志

光緒癸巳

潘宣



嘉惠堂
丁氏刊

序

龍興祥符戒壇古一寺也創始於蕭梁之初名發心寺後改名眾善寺又改名中興寺至唐神龍三年改中興爲龍興而龍興之名立矣吳越時於此立戒壇院乃有戒壇之名宋祥符初改名大中祥符寺乃有祥符之名名有三而寺則一也建炎之初寺燬於兵於是興廢不常或改爲軍器所或改爲貢院或改爲縣治或改爲酒庫其後隨時修復則或曰龍興或曰祥符或曰戒壇考寺之初基廣袤九里有奇則寺址本宏雖分三名同歸一寺其中名蹟有法華塔天中

塔觀音三昧井錢王九十九眼井之類又相傳有十寶見宋王鞏隨手襍錄錢王時外國所獻頗眩伽其一也可厭十里火殃杭數被火而龍興不及焉由有此寶也寺僧自僧祐以下代有聞人而贊甯尤著不獨闡發宗旨抑且涉獵儒書如駁春秋繁露論語懸解諸書皆非尋常釋子語夫累代興修之蹟勝流會萃之區豈可聽其泯沒已乎張小雲孝廉吾黨中高材生也博采羣書訪求故老成龍興祥符戒壇寺志十二卷其初屬稿曾與余言之余許爲作序乃書甫成而小雲遽卒丁君松生取付剞劂仍以小雲遺意

乞序於余余喜此書之行而惜小雲之不及見又深
感丁君之不負死友也溯此寺開山實爲梁僧祜律
師師固俞氏子乃吾宗也而贊甯爲德清人又吾同
縣也自惟淺薄似有因緣爲序而歸之亦如元俞德
湘之序龍興唱和詩以挂名其端爲幸矣光緒甲午
九月德清俞樾

龍興祥符戒壇寺志

目錄

卷一 建置

卷二 寺宇

卷三 古蹟

卷四 金石

卷五 金石

卷六 僧伽著述

卷七 僧伽表

卷八 僧伽列傳

卷九 僧伽列傳

卷十 雜述

卷十一 雜述

卷十二 題詠

龍興祥符戒壇寺志卷一

仁和 張大昌輯

建置

龍興祥符戒壇三寺舊本爲一今分爲三龍興最先祥符次之戒壇又次

黃士珣尊勝幢記今寺分爲三祥符尙稱律寺龍興僅爲小庵在祥符橋對門石幢在焉戒壇在金雞兜南庵 丁敬硯林詩集龍興寺後高樹婆娑隔垣可望沙彌言祥符寺樹也因言先有龍興後有祥符蓋承其師語云 吳錫麟詞注近祥符龍

興分爲二寺相距半里許

按金雞兜今戒壇寺元僧敬堂之別院也相去半里許吳詞注殆以戒壇寺言之

在浙江杭州府仁和縣錢塘門內虎林祖山之側

陸次雲湖壖雜記虎林山在武林門內又名祖山以爲一郡眾山之祖其實乃一小阜砌以土石宛然培塿竟得大名亦足異也 杭州府志武林山在武林門內一里而遙楊正質虎林山記云異虎出焉故名虎林吳音承訛轉虎爲武耳

初廣袤九里有奇

咸淳臨安志舊傳寺基廣袤九里有奇 成化杭

州府志寺基廣袤九里

後復狹爲五十九畝九分

黃潛龍興祥符戒壇寺記

寺址之所接其爲坊曰義同

康熙仁和縣志祥符律寺在義同坊

曰安國

乾道志安國坊仁和倉橋

案今合稱曰義同安國坊

曰武林

萬厯府志祥符寺在武林坊

日興賢即招賢坊

乾道志招賢坊仁和縣巷

日同德

乾道志同德坊燈心巷

里日鮑里以人名也

卧陶詩集懷人許大綸詩吳山曾寶小鮑里之容
錐地爲鮑侃宅故稱鮑里

橋日祥符以寺名也

浙西水利圖考城內小河由眾樂眾安橋至滿營
河又直北自和合橋至北橋偶舛橋再折而西中

歷觀橋寶帶橋開板橋藩封橋祥符橋回龍橋共
九所 橋側石刻福緣善慶四字署乾隆十九年
十二月重建無書人姓名橋門東西各有石聯字
已磨滅不可辨

街曰南庵以庵名也

黃士珣北隅掌錄

街曰尊勝以幢名也

祥符古志略

巷曰燈心以景物名也

咸淳臨安志同德坊俗呼燈心巷 淳祐臨安志